

## **BUOHCCIIDÁŠŠEOLMMOŠ**

Kati Koivunen  
Lappi guovddášbuohcceviessu  
PL 8041  
96101 Roavvenjárga

Tel. (016) 328 7903  
šleadgapoasta: kati.koivunen@lshp.fi

Buohcciidáššeolbmo bargun lea rávvet ja veahkehit buohcci vuoigatvuodaide gulavaš áššiin.

Buohcciidáššeolmmoš lea gávdnomis dábálaččat vuossárggas bearjadahkii. Rávvejuvvo, ahte persovnnalaš fitnama várás várrejuvvo áigi. Buohcciidáššeolbmo bargolatnja lea Lappi guovddášbuohcceviessu lanjain (ođđa viiddidanoasi 1.grd).

### **Buohcciidáššeolbmo bargguide gullet:**

Rávvet buohcci buohcciidlága (Láhka buohcciid sajádagas ja vuoigatvuodain 17.8.1992/785) heiveheapmái gulavaš gažaldagain, mat leat ee.

- Vuoigatvuohta buorre dearvvasvuođa- ja buohccedikšumii ja dasa gulavaš meannudeapmái
- Buohcci dieđuoazžunvuoigatvuohta
- Buohcci iešmearridanvuoigatvuohta
- Agivuloš buohcci sajádat
- Lágalaš ovddasteaddji dahje oapmahačča dieđuoazžunvuoigatvuohta ja doaibmaváldi
- Diehtosuodjeáššit
- Rávvet, mo buohcci sáhtta doaibmat go lea duhtameahttun dikšumii dahje meannudeapmái
- Rávvet ja veahkehit dárbbu mielde buohcci buohcciidvahátlága dárkkuhan buohcciidvahátalmmuhusa, muittuhusa dahje guoddaleami bargamis
- Juohkit dieđu buohcci vuoigatvuodain ja doaibmat buohcci vuoigatvuodaide ovddideami ja ollašuhttima várás

Buohcciidáššeolmmoš ii ieš daga mearrádusaid, iige sáhte nuppástuhttit dahje darvánit dikšunmearrádusaide dahje virgeoapmahaččaid bargan mearrádusaide.

**Dikšui dahje meannudeapmái gulavaš problemain ja eahpečielggasvuodain galgá ovdasajis ságastallat divššus vástideaddji ovttaga (ossodat dahje poliklinihkka) bargoveagain dahje sin hoavddaiguin.**